

CONSUMIDOR MENOS PESIMISTA DEN E DI CUATER TRIMESTER DI 2022: PRIJS HALTO TA SIGUI TA UN PREOCUPACION GRANDI


Comunicado di prensa¹
Resultado pa e di cuater trimestre di 2022

Consumidornan tabata menos pesimista, mirando cu e indice di confiansa di consumidor a subi cu 0,4 punto te na 94,2 den e di cuater trimestre di 2022 (Grafiek 1)².

Na final di e di cuater trimestre, consumidornan tabata principalmente preocupa cu (i) e situation di negoshinan y di economia lo deteriora (Q4-2022: 54 por ciento, Q3-2022: 63 por ciento), (ii) situation financiero na cas lo empeora (Q4-2022: 45 por ciento, Q3-2022: 33 por ciento) y (iii) pa haña un trabou nobo ta mas dificil (Q4-2022: 38 por ciento, Q3-2022: 49 por ciento). Ademá, 35 por ciento di respondenteran a anticipa cu e posicion financiero di gobierno lo empeora den e di cuater trimestre di 2022, esta 11 punto di porcentahe menos compara cu e trimestre anterior (Q3-2022: 46 por ciento). Aproximadamente 92 por ciento di tur respondente a señala cu nan ta premira cu prijsnan lo ta mas halto den e proximo 6 lunanan (Q3-2022: 93 por ciento).

E indice di e situacion actual a subi, esta cu 1.0 punto di indice te na 94,2 den e di cuater trimestre di 2022, mientras cu e indice di expectativa a keda igual na 94,0 compara cu e trimestre anterior. E cantidad di respondenteran cu a raporta cu compra di un auto no tabata conviniente a subi na 65 por ciento den e di cuater trimestre di 2022 (Q3-2022: 57 por ciento), mientras cu 60 por ciento a indica cu haci un prestamo no tabata adecua (Q3-2022: 53 por ciento). Ademá, 58 por ciento di respondenteran a indica cu tuma un hipoteca no tabata adecua (Q3-2022: 54 por ciento). Pa locual ta baymento cu vakantie 36 por ciento di respondenteran a señala cu esaki no tabata conviniente (Q3-2022: 40 por ciento). Consecuentemente, e indice di habito di consumidor a crece di 94,8 den e di tercer trimestre di 2022 te na 95,1 den e di cuater trimestre di 2022.

Grafiek 1: Indice di Confiansa di Consumidor



¹ E version original na Ingles ta prevalece,

² E indice por varia entre 90 y 110. Entre 90 y 100, e indice ta muestra un situacion di pesimismo. Un indice di exactamente 100 ta indica cu consumidornan no ta ni optimista, tampoco pesimista, pero ta neutral den nan pensamiento di desaroyo economico na Aruba. Entre 100 y 110, e indice ta muestra un situacion di optimismo den pensamiento di consumidornan.



Fuente: Banco Central di Aruba

Informacion adicional riba e encuesta di confiansa di consumidor ta disponibel riba website di CBA (<https://www.cbaruba.org/>).

Banco Central di Aruba
15 maart 2023



Tocante Banco Central di Aruba

E proposito principal di Banco Central di Aruba (BCA) ta pa contribui na estabilidad financiero y prosperidad economico di comunidad di Aruba. BCA ta logra e mision aki door di implementa un maneho monetario efectivo dirigi na mantene estabilidad di balor di e florin, promove e solides y integridad di e sistema financiero y yuda mantene un sistema di pago eficiente y confiabel.

Banda di su tareanan principal, BCA ta encarga cu emision di biyete di florin y moneda di florin y ta e bankero di gobierno. Ademá e ta regula e transaccionnan di pago cu exterior y ta administra e divisanan di Aruba y ta controla e uzo di esaki.

Pa mas informacion tocante Banco Central di Aruba, por bishita su website www.cbaruba.org
